

Arthur Ivan Kinloch



25 September 1975 - 21 June 2025

210

Bwana usinyamaze...#227

1 Ee! Bwana usinyamaze,
Bali kwa rehema nena,
Nchi ingojavyo mvua,
Ndivyo nikusubirivyo.

**Nakutegemea Bwana,
Naona kwako taraja,
Kwani umenifariji,
Nyakati za taabu nyingi.**

2 Bwana ukinena kuonya
Nitaona heri kwangu,
Maana aniadhibuye
Ndiye anayenipenda.
"Nakutegemea Bwana,..."

3 Bwana unioshe sasa
Kwa neno lako la tunu,
Ee! uniponye nafsini,
Unirudishie nguvu.
"Nakutegemea Bwana,..."

4 Bwana nifanye mateka,
Ni radhi kuwa mfungwa,
Nitende mapenzi yako,
Nitawaliwe na wewe.
"Nakutegemea Bwana,..."

21

Bwana tufundishe...#34

1 Bwana tufundishe jinsi
Ya kuhesabu siku,
Ili tukazane zaidi
Kukusifu daima.

**Bwana tuwe na hekima,
Maadam siku zapita,
Naam, na tufanane nawe,
Hadi tufikapo juu.**

2 Tuhesabu siku zetu,
Tuone ni chache tu,
Utupe hekima yako
Ili tutende vema.
"Bwana tuwe na hekima,..."

3 Tuhesabu siku zetu,
Tuitamani haki,
Tusipoteze wakati,
U asili ya uhai.
"Bwana tuwe na hekima,..."

4 Tuhesabu siku zetu,
Tuzitumie zote,
Kwa kukuhudumu hadi
Kikomo cha safari.
"Bwana tuwe na hekima,..."

215

Usilegeze ushujaa...#343

1 Usilegeze ushujaa kutenda haki,
Maana Bwana atakuongoza salama,
Adui watakujaribu, watashindwa,
Washikamanao na Mungu watas'tawi.

**Usilegeze ushujaa,
Uwe thabiti,
``Bwana unichunge niwe
Dhabihu kwako."**

2 Usichoke moyoni japo njia ndefu,
Panda kwa tumaini nawe utavuna,
Na Mungu atatimiza ahadi zake,
Basi na umpendeze kwa imani kuu.
"Usilegeze ushujaa,..."

3 Usitazame nyuma kwenye vita kali,
Kaza macho mbele katika safari hii,
Japo mwisho waonekana kuwa mbali,
Dhiki zetu nyepesi zadumu kitambo.
"Usilegeze ushujaa,..."

4 Usiwe mvivu kwani kazi ni kubwa,
Sikia mwito wa Mungu kwa kazi hii,
Zipo nafasi kwa wote za kutumika,
Mavuno yahitaji bidii zetu zote.
"Usilegeze ushujaa,..."

141

Mungu yu mwaminifu...#232

1 Mungu yu mwaminifu
Kwa wateule daima,
Katika kuhukumu na
Katika kurehemu.

**Rehema zi mpya daima,
Yu mwaminifu sana,
Huruma hazitakoma,
Tukimsihi Mungu.**

2 Mungu yu mwaminifu,
Hutuponya kwa Shetani,
Hupa nguvu matesoni
Tuvumilie humo.
"Rehema zi mpya daima,..."

3 Mungu yu mwaminifu,
Huzitimiza ahadi,
Huwalinda uovuni
Wamkimbiliao.
"Rehema zi mpya daima,..."

4 Mungu yu mwaminifu,
Kuwakaribisha watu,
Katika ushirika wa
Upendo na amani.
"Rehema zi mpya daima,..."

4 *Mungu wa Betheli wewe...#12*

1 Mungu wa Betheli wewe,
Ndiwe Mchungaji,
Ulichunga baba zetu,
Utuchunge vivyo.

2 Tumefika sasa mbele
Ya kiti cha enzi,
Mbele zako tunaweka
Nadhiri na dua.

3 Uongoze miguu yetu,
Tusibabaike,
Tupe mahitaji yetu
Yote ya kiroho.

4 Utufunike kwa mbawa
Zako hadi mwisho,
Ndipo tutakapodumu
Nyumbani kwako juu.

5 Ee! utubariki hivyo,
Twakusihi sana,
Wewe tu ni Mungu wetu,
Sasa na daima.

220 *Mungu awe nanyi*

1 Mungu awe nanyi daima,
Hata tuonane tena,
Awachunge kwa fadhili,
Mungu awe nanyi daima.

**Hata tuonane mbinguni,
Hata tuonane kwake Yesu,
Hata tuonane mbinguni,
Mungu awe nanyi daima.**

2 Mungu awe nanyi daima,
Ziwafunike mbawaze,
Awalishe, awakuze,
Mungu awe nanyi daima.

"Hata tuonane mbinguni,..."

3 Mungu awe nanyi daima,
Kila wakati wa dhiki,
Awalinde hifadhini,
Mungu awe nanyi daima.

"Hata tuonane mbinguni,..."

4 Mungu awe nanyi daima,
Kwa upendo 'kufariji,
Mauti akushindie,
Mungu awe nanyi daima.

"Hata tuonane mbinguni,..."

12 *Yesu kwa pendo kuu...#23*

1 Yesu kwa pendo kuu,
Alinitafuta,
Akanileta tena
Kwenye zizi lake,
Malaika wakaimba
Mbele za Mungu mbinguni.

**Nimenunuliwa
Kwa damu na pendo,
Ndiyo huruma ya ajabu,
Iliyonileta zizini.**

2 Ni kwa ajili yangu
Alimwaga damu,
Hata kuvumilia
Taji ya miiba,
Sifahamu pendo lake
Katika kunitesewa.

"Nimenunuliwa..."

3 Sasa muda wapita,
Raha ni kamili,
Nangoja siku ile
Atakaporudi,
Ambapo atatuita
Tukae naye milele.

"Nimenunuliwa..."

124 *Mwokozi u fungu...#303*

1 Mwokozi u fungu langu,
Zaidi ya uhai kwangu,
Katika safari yangu,
Nienende na wewe,
Pamoja na wewe,
Pamoja na wewe,
Katika safari yangu,
Nienende na wewe.

2 Sitafuti raha wala
Sifa za ulimwengu,
Nitastahimili yote
Ikiwa upo nami,
Pamoja na wewe,
Pamoja na wewe,
Nitastahimili yote
Ikiwa upo nami.

3 Niongoze safarini,
Kwenye shida nilinde
Na mwishoni niingie
Huko mbinguni nawe,
Pamoja na wewe,
Pamoja na wewe,
Na mwishoni niingie
Huko mbinguni nawe.